

ШЖҚ МКК «Маңғыстау облыстық жоғары медициналық колледжі»

Педагогикалық кеңестің
отырысында қаралды
Хаттама № 4
«31» 08 2022 ж.



СТУДЕНТТЕРГЕ АРНАЛҒАН ІШКІ ТӘРТІП ЕРЕЖЕСІ

Жаңаөзен 2022 ж.

1. Жалпы ереже

- 1.1. Осы ШЖҚ МКК «Маңғыстау облыстық жоғары медициналық колледжі» студенттеріне арналған ішкі тәртіп ережесі Қазақстан Республикасының Конституциясына, Қазақстан Республикасының білім туралы заңдылықтарына, Қазақстан Республикасының «Діни қызмет және діни бірлестіктер туралы» Заңына, Қазақстан Республикасының «Білім туралы» Заңына, сапа аймағы саясатына, колледж Жарғысына сәйкес әзірленген және колледж студенттерінің тәртіп ережесін, оқуын және Колледж қызметкерлерімен өзара қарым қатынасын реттейді.
- 1.2. Техникалық және кәсіптік білім бағдарламасы бойынша білім алу үшін белгіленген тәртіппен директордың бұйрығымен қабылданған тұлға колледж студенті болып табылады.
- 1.3. Ішкі тәртіп ережесі барлық Колледж студенттері үшін міндетті болып табылады.
- 1.4. Студенттерге арналған ішкі тәртіп ережесі, сондай-ақ оған өзгертулер мен толықтырулар педагогикалық кеңесте қабылданады.
- 1.5. Оқу жылы 1 – қыркүйектен басталады.
- 1.6. Сабақтың басталуы: 08:00-18:25
- 1.7. Бір сабақтың ұзақтығы оқу орындары мен ұйымдарының бекітілген нормативтерімен және оқу ұйымдарында қолданылатын оқу технологияларына сәйкес.
- 1.8. Оқытушылар мен білім алушылар сабаққа дайындалу және аудиторияны сабаққа даярлау үшін 15 минут бұрын келеді.
- 1.9. Оқу үрдісі бекітілген сабақ кестесі негізінде іске асады.
- 1.10. Білім алушыларды колледж әкімшілігінің рұқсатынсыз колледж аумағынан тыс жерге алып кетуге тыйым салынады.
- 1.11. Оқу ғимаратындағы жалпы тәртіпке кезекші әкімшілік өкілі, шаруашылық қызметі жауап береді.
- 1.12. Колледжде болған уақытында әр білім алушы өз киімі және жеке мүлкі үшін жауапкершілікті өзіне алады.
- 1.13. Колледжге спирттік ішімдік ішіп келген жағдайда білім алушылар оқудан шығарылады.
- 1.14. Колледж территориясында шылым шегуге, түкіруге, қоқыстауға және басқа да құқыққа қарсы нәрселер жасауға қатаң тыйым салынады. Ондай іс-әрекеттер болған жағдайда тәртіп бұзушыға тәртіптілік шаралары қолданылады немесе қызметкерлер жұмыстан, ал білім алушылар оқудан шығарылады. Қазақстан Республикасы заңдылықтарын бұзған уақытта немесе тұлғаға қарсы бағытталған қарсылық іс-әрекеттер байқалған жағдайда және колледжге шығын әкелер болса, қызметкерлер жұмыстан шығарылады, ал білім алушылар қайта қабылданусыз оқудан шығарылады.
- 1.15. Колледжде және жатақханада діни киімдер киюге және сиынатын бөлмелер мен діни қатынастар жасауға тыйым салынады.
- 1.16. Колледж мүлкін құртқан жағдайда кінәлі оны бастапқы күйдегідей орнына келтіреді немесе нарықтық бағасын төлейді. Кінәлі анықталмаған жағдайда, жауапкершілікті кабинет меңгерушісі көтереді.
- 1.17. Колледждегі немесе жатақханадағы мүлікті тартып алушылық, тәртіп бұзушылық, төбелес жағдайлары орын алған жағдайда, білім алушылар оқудан шығарылады.
- 1.18. Колледж оқытушылары мен білім алушылары кезекші оқытушының, кезекші топтың және колледждің қауіпсіздік қызметі жұмыскерлерінің талаптарын орындауға міндетті.
- 1.19. Колледж қабырғасында, оқу ғимаратында және жатақханада білім алушыларға саяси партиялар мен басқа қоғамдық саяси ұйымдардың бағдарламаларын, жарғылық талаптары мен ұстанымдары бойынша үгіт-насихат жұмысын жүргізуге тыйым салынады.
- 1.20. Колледждің оқытушылары және білім алушылары осы берілген Ережелермен міндетті түрде танысулары керек.

2.Білім беру процесін ұйымдастыру

- 2.1. Колледждегі білім беру үдерісі пән және оқу курстары жұмыс бағдарламасы мен қабылданған білім беру бағдарламасын жүзеге асыру жолымен кәсіптік дайындау, кәсіптік білім беру қажеттіліктерін қамтамасыз ету мақсатында жүзеге асырылады.
- 2.2. Білім беру үдерісіне теориялық оқыту, өндірістік (кәсіптік) практика, тәрбие жұмыстары жатады. Ол оқу жоспарларын, күнтізбелік оқу кестесі мен сабақ кестесін белгілейді.
- 2.3. Оқу жоспарлары педагогикалық кеңесте қаралады және бекітіледі.
- 2.4. Оқу үдерісінің кестесін және сабақ кестесін колледж директоры бекітеді.
- 2.5. Азаматтарды колледжге оқуға қабылдау өтініштері бойынша қабылдау тәртібі, ережесі және шарты колледждің қабылдау Ережесімен белгіленеді және реттеледі.
- 2.6. Колледжде оқыту мамандықтар бойынша оқу топтарында жүргізіледі. Әр оқу тобын басқару үшін директордың бұйрығымен топ жетекшісі тағайындалады.
- 2.7. Күндізгі оқу бөлімі студенттері үшін оқу жылы 1 қыркүйектен басталады, екі семестрден тұрады және аталған кәсіптік-білім беру оқу жоспарына сәйкес аяқталады.
- 2.8. Колледжде оқу жоспарлары мен сабақ кестесіне сәйкес 5 (бес) күндік оқу аптасы белгіленген.
- 2.9. Қабылданған білім беру бағдарламасын іске асыру мақсатында күнделікті жұмыс (оқу) уақытын бөлу колледждің күн тәртібімен реттеледі.
- 2.10. Аудиториялық сабақтың барлық түрі үшін академиялық сағат ұзақтығы 45 минут; ал оқытудың кредиттік технологиясы бойынша (Қазақстан Республикасы білім және ғылым Министрінің 2011 жылғы 20 сәуірдегі №152 «Оқытудың кредиттік технологиясы бойынша оқу үдерісін ұйымдастыру тәртібін бекіту туралы» бұйрығына сәйкес) оқу жұмысы көлемін жоспарлау кезінде оның барлық түрі үшін бір кредит 30 (отыз) академиялық сағатқа тең. Оқу жұмыстарының барлық түрі бойынша бір академиялық сағат 50 минутқа тең.
- 2.11. Жалпы білім беру және кәсіптік бағдарламаны меңгеруі бақыланады және студенттердің мемлекеттік білім стандартына, біліктілік мінездемесіне, білім беру бағдарламасын меңгеру талаптарына іскерлігі мен дағдысының, білім деңгейі мен сапасының сәйкестігін анықтауға арналған қорытынды аттестациямен аяқталады.
- 2.12. Студенттерді аттестациялау, оларды келесі курсқа ауыстыру және колледжді бітірту, осы шараларды ұйымдастыру мен өткізу директор бекіткен локалды нормативті актілермен реттеледі.
- 2.13. Колледжді бітірген кезде студенттердің білімін тәуелсіз бағалау бойынша мемлекеттік (қорытынды) аттестацияларды жақсы тапсырған жағдайда диплом беріледі.
- 2.14. Колледждегі жастар, кәсіподақ және басқада заңды қоғамдық, діни ұйымдар, бірлестіктер, қозғалыс т.б қызметтері Қазақстан Республикасының заңнамасына сәйкес колледждің Педагогикалық кеңесімен реттеледі. Колледжде заң бойынша тіркелмеген осыған ұқсас ұйымдардың қызметіне тиым салынады. Бұл ереже жекелеген насихатшылар, агенттер, өзге т.б тұлғаларға қолданылады. Осы ереженің орындалуына жауапкершілік колледж әкімшілігіне жүктеледі.

3. Студенттердің құқықтары

Студенттерге төмендегідей құқықтар беріледі:

- 3.1. Қазақстан Республикасының мемлекеттік жалпыға міндетті білім беру стандартына сәйкес білім алуға;
- 3.2. Білім беру гранты және келісімшарт негізінде оқуға;
- 3.3. Белгіленген өлшемде (мем. тапсырыс бойынша білім алушы тұлғалар үшін) шәкіртақы алуға;
- 3.4. Колледжде кітапханалық-ақпараттық қорларды, жабдықтарды ақысыз қолдануға;
- 3.5. Колледж Жарғысы мен сәйкестендірілген локалды актілерде белгіленген тәртіпте, оның ішінде өзін-өзі басқару органдары арқылы колледж қызметі мәселелерін шешуге және талқылауға қатысуға.
- 3.6. Адамдық қадір-қасиетін, ар-ождан бостандығын сыйлау өз ойы мен көзқарастарын, сенімдерін (өз тарапынан Қазақстан Республикасының заңдарын, құқықтық актілерін, Колледж Жарғысын, осы ережені және басқа да азаматтардың құқықтарын сақтай отырып) еркін жеткізуге;
- 3.7. Оқудағы жетістігі және Колледждің қоғамдық жұмыстарына белсенді қатысқаны үшін моралдық және (немесе) материалдық марапаттауға;
- 3.8. Барлық шығармашылық жобаларға, ғылыми-зерттеу жұмыстарына, конференцияларға, симпозиумдарға, жиналыстарға, конкурстарға, фестивалдарға қатысуға, көпшілікке өз жұмыстарын, оның ішінде колледж баспасына ұсынуға, пәндік үйірмелермен айналысуға;

3.9. Конференцияларға, түрлі конкурстарға, көркемөнерпаздарға, спорттық секциялар жұмысына, Колледждің құрылымдық бөлімдері ұйымдастырған жарыстарға және басқа да шараларға қатысуға;

3.10. Колледждің студенттік өзін-өзі басқару органына сайлауға және сайлануға;

3.11. Ауруы бойынша амбулаториялық-емханалық ұйым жанындағы дәрігерлік-кеңес беру комиссиясының қорытындысы (әрі қарай-ДКК) мерзім ұзақтығы 6 айдан 12 айға дейін, туберкулезбен ауырған жағдайда туберкулезге қарсы мекеменің Орталықтандырылған дәрігерлік-кеңес беру комиссиясының шешімі (әрі қарай-ОДКК)) мерзім ұзақтығы 36 айдан кем емес, босанғаны туралы, асырап алған баланың үш жасқа толғанға дейін , әскери қызметке шақыру туралы қағаз негізінде академиялық демалыс алуға;

3.12. Белгіленген білім туралы заңнама тәртібімен басқа оқыту түріне, мамандық және(немесе) дайындық бағытына, басқа кәсіп бойынша білім алуға ауысуға;

3.13. Белгіленген білім туралы заңнама тәртібімен негізгі кәсіби білім беру бағдарламаларын жүзеге асыратын білім беру мекемесінде білім алу үшін қайта рәсімдеуге.

4. Колледж білім алушылардың жатақханаға орналастырылу және шығарылу тәртібі

4.1 Колледж директорының атына жатақханада тұруға мұқтаж екендігі туралы жазылған өтініші бойынша;

- №075-У үлгідегі медициналық анықтамасының көшірмесі;

- жатақханада тұрғаны үшін ақша төлеген түбіртегі ;

- жеке құжатын көрсеткен жағдайда (төлқұжат), білім алушы жатақханаға орналастырылады.

4.2 Колледж жатақханасынан білім алушы келесі негізде шығарылады:

- тұрғанына байланысты уақытылы төлемақысын төлемегені үшін;

- колледждің ішкі тәртіп Ережелерін бірнеше рет өрескел бұзған жағдайда;

- медициналық анықтамасы денсаулығына байланысты берілген кезде;

- өз еркімен;

- бөгде адамдарды жатақханаға себепсіз кіргізгені үшін;

- ұлттық және жалпы адамзаттық рухани-адамгершілік құндылықтарға құрметпен қарамағанда;

- жатақхананың ішінде және сыртында тазалық сақтамаған жағдайда;

- жатақханаға кесетін, түйрейтін, жарылғыш-қопарғыш заттарды, газ баллондарын және оқпен атылатын қаруларды әкелгені үшін;

- өрт қауіпсіздігі ережесін сақтамағаны үшін;

- жатақхана жеке мүлігіне (шкафтар, көрнекі құралдар, кітаптар, құралдар, графиндер, құрал-жабдықтар) ұқыпсыз қарағаны үшін.

5. Студенттер міндетті:

5.1. Қазақстан Республикасының Конституциясымен және заңдарымен белгіленген азаматтық міндеттерін орындауға;

5.2. Колледж Жарғысын, осы ішкі тәртіп ережесін, басқа да оларға қатысты құқықтық және локалды актілерді сақтауға;

5.3. Колледждегі оқытудың барлық түрін студенттер таңдаған мамандығы бойынша теориялық білім мен практикалық дағдыларды игеруге, тапсырмалардың барлық түрін уақытылы орындауға, оқу жоспарлары мен оқу бағдарламаларына сәйкестігін қатаң сақтай отыра барлық емтихандар мен сынақтарды белгіленген мерзімде (емтихандық сессия) тапсыруға;

5.4. Мемлекеттік жалпыға міндетті білім беру стандартына сәйкес оқу сабақтарына қатысуға және оқу жоспарлары мен бағдарламаларында қарастырылған барлық тапсырма түрлерін белгіленген мерзімде орындауға, жіберген сабақтарды уақытында өтеуге;

5.5. Колледж қызметкерлерімен және студенттерімен қарым-қатынаста сыпайы болуға, тәртіпті қолдауға және сақтауға;

5.6. Колледжде, көшеде, қоғамдық орындарда және күнделікті тұрмыста өзін лайықты ұстауға, тәртіпті және ұқыпты болуға;

Ер балдар қысқа, тегіс қысқартылған шашты, қыздар- ұқыпты шаш үлгісі, шаш жиналған;

5.7. Колледж директоры бекіткен тәртіп пен нұсқаулықтарға сәйкес қарастырылған өртке қарсы күзет және еңбек гигиенасын, өндірістік тазалықты, қауіпсіздік техникасын, еңбекті қорғау жөніндегі талаптарды сақтауға;

5.8.Қазақстан Республикасының «Білім туралы» Заңының 496.7т. сәйкес «білім беру мекемелеріндегі белгіленген киім үлгісін сақтау» анықталған.

Колледж қабырғасында белгіленген киім үлгісін сақтауға:

Жалпы киім үлгісі:

- медициналық халат бейджикпен, қалпақ, екінші аяқ киім;
 - базада практикалық оқытуда хирургиялық костюм кию қажет.
 - дене бөлшектерін (кіндігін, белін, төсін) ашып жүруге, хиджаб киюге, қатты көзге түсімді косметика(бет бояуын) қолдануға, пирсинг жасатуға рұқсат етілмейді;
- Колледж аумағынан медициналық халатпен, қалпақпен шығуға тиым салынады. Дене шынықтыру сабақтарында белгіленген үлгі бойынша- спорттық костюм.

5.9.Колледж мүлкін сақтауға, бүлдіруге жол бермеуге, техникалар мен жабдықтарын тиімді пайдалануға, оқу және ғылыми-зерттеу мақсатында Internet желісінде жұмыс жасау үшін бөлінген қорды, студенттерге қолдануға берілген заттарды ұқыпты пайдалануға;

5.10.Оқу сабақтары кезінде оқытушының түсіндіргендерін, қасындағылардың жауаптарын мұқият тыңдауға, сөйлемеуге, кедергі келтірмеуге, оқытушының барлық тапсырмаларын орындауға. Сабақ уақытында тек оқытушының рұқсатымен сұрақтарға жауап беруге, сұрақ қоюға, тұруға және отыруға, аудиториядан кіруге және шығуға;

5.11.Лабораторияда, медициналық мекемелерде, кабинетте сабақ кезінде және кәсіптік, оқу-өндірістік практикалар өту кезінде сабақ жетекшісі көрсеткен манекендерді, муляждарды, көрнекі құралдарды пайдалануға, оларды ұқыпты ұстауға және қауіпсіздік техникасы ережелерін сақтауға, ұялы телефонға суретке, бейнежазбаға жазбауға ;

5.12. Сырқаттануына немесе басқа да дәлелді себептерге байланысты сабаққа келмеген кезде дереу бөлімше меңгерушісін, топ жетекшісін, топ басшысын хабардар етуге. Егер студент бөлімше меңгерушісін, топ жетекшісін, топ басшысын дер кезінде хабардар етпеген және дәлелді құжаты болмаған жағдайда сабақты дәлелсіз жіберген болып саналады. Ауырып қалған жағдайда студент белгіленген нысан бойынша амбулаториялық немесе емдеу мекемесінде берілген анықтаманы ұсынуға;

5.13.Студент жіберген сабақтарын директордың орынбасары бекіткен кестеге сәйкес өтеуге міндетті. Жіберген сабақтарды өтеу бөлім меңгерушісінің рұқсатымен сабақ кестесінен тыс жүргізіледі.

5.14. Студенттің кінәсынан колледжге келтірілген материалдық шығындарды қайтаруға.

6. Тыйым салынады:

6.1.Сабақ кезінде дауыстап сөйлесуге, шулауға, музыка тыңдауға, сөйлеу барысында былапыт сөздерді пайдалануға , коридормен жүруге;

6.2.Қарым-қатынасты шешу кезінде дене күшін қолдануға, соңы айналадағылар үшін қауіпті болатын іс-әрекет жасауға;

6.3.Ғимарат ішінде, колледж аумағында, аулада, оқу корпусының алдыңғы кіреберіс қанатында шылым шегуге, ластауға, түкіруге;

6.4. Қоғамдық тәртіпті бұзуға негізделген саяси және діни сипаттағы көпшілік іс-шаралар өткізуге және оларды жүргізуге үгіттеуге, тіркелмеген ұйымдардың атрибутикасын пайдалануға және Қазақстан Республикасының заңнамасына қайшы ойларын насихаттауға;

6.5.Колледж қабырғасында діни киімдерді киюге;

6.6.Ашық бояулар қолдануға, көп әшекей бұйымдар тағуға, ұзын және ашық түсті маникюр жасатуға;

6.7.Кәмелетке толмаған студенттерге ата-анасыз (заңды өкілсіз) кешкі сағат 22.00 ден кейін көшеде және көңіл көтеру орындарында жүруге

6.8. Тазалық-гигиеналық нормаларды бұзуға;

6.9.Оқу бөлмелеріне сыртқы киім апаруға(пәлте, күртеше, сулық, бас киімдер т.б);

6.10.Колледжде және оның аумағында спирттік сусындар, темекі бұйымдарын, құрамы улы және есірткі заттар және тағы басқа білім беру үдерісінің қатысушыларының денсаулығына зиян тигізетін және оқу мекемесінің ішкі тәртіп ережесін бұзатын заттарды әкелуге, беруге, пайдалануға;

6.11. Жарылысқа, жануға және улануға әкелуі мүмкін кез-келген заттарды әкелуге, беруге, пайдалануға;

6.12. Колледж әкімшілігінің рұқсатынсыз санкцияланған дыбыс жазуға, суретке және бейнекамераға түсіруге;

6.13. Колледж әкімшілігінің рұқсатынсыз санкцияланған дыбыс жазу, фото және бейне түсірулерді әлеуметтік желілерде, сайттарда жариялауға және пайдалануға;

6.14. Сабақ және сабақтан тыс шаралар кезінде қосулы ұялы телефон ұстауға, құлаққап пайдалануға және сағыз шайнауға, ұялы телефонды немесе басқа да жеке техникаларды Колледждегі электрлі қосқышқа қосуға;

6.15. Жазба құжаттарды (оқу журналдары, білім алушының үлгерім кітапшасы, студенттік билет) көшірмесін жасауға, ақпараттарды (оның ішінде компьютерлік) өзгертуге немесе қолдануға.

6.16. Қадалғыш/ кескіш қарулар мен өткір заттарға тиым салынады:

- балталар, сүңгілер мен найзалардың түрлері, мұз шапқыштар;
- жылжымалы немесе лақтыратын жүзі бар кез келген ұзындықтағы пышақтар;
- металдан немесе басқа да мықты материалдан жасалынған ықтимал қару ретінде ұсталынатын кез келген ұзындықтағы пышақтар ;
- ашық ұстаралар мен өткір лезвиелер (қауіпті және бір реттік қосымша лезвиесі бар ұстараларды қоса);
- қылыштар мен семсерлер, қылыштың тұтқасы;
- скальпелдер;
- металды жұлдыздар;
- қадалғыш немесе кескіш қару ретінде қолданылатын өнеркәсіптік құрал-жабдықтар, есіктерге арналған темір тескіштер мен бұрғылар, шапқылар, қызмет көрсету пышақтары, аралар, бұрағыштар, балғалар;
- бұрандылар
- тері астына дәрі беретін және тоқитын инелер;
- жүзінің ұзындығы 60 мм асатын қайшылар;
- бекіністік құрал-саймандар.

6.17. Тыйым салынады:

- телефонды сабақта оқытушының рұқсатынсыз қолдануға
- колледжде болған кезде дауысты режим мен мелодия тыңдау режимдерін қолдануға.
- қатігездік, зорлық-зомбылық мәліметтерін сақтауға, таратуға, насихат жүргізуге.
- ұялы телефон қолдану арқылы саналы түрде колледж имиджіне зиян келтіруге.
- айналадағылардың келісімінсіз ашық фото- мен видео- түсірілімдерді жасауға

7. Оқудағы жетістігі үшін марапаттау

7.1. Білім беру бағдарламасын игеруде, қоғамдық қызметте және студенттерге арналған басқа да жұмыстардағы жетістігі үшін моралдық және материалдық көтермелейдің әртүрлі түрлері белгіленген. Көтермелеу туралы шешімді Колледждің әкімшілігі (құрылымдық бөлімдер басшыларының ұсынысы бойынша бұйрық шығару жолымен ауызша және жазбаша) және қоғамдық ұйымдар қабылдайды.

7.2. Көтермелеудің келесі түрлері қабылданады:

- алғыс;
- студенттердің ата-анасына алғыс хат;
- қаржылай баламадағы алғыс;
- Колледждің Құрмет грамотасы;

8. Тәртіптік жаза

8.1. Белгіленген мерзімде дәлелсіз себептермен мамандығы бойынша оқу жоспарын, студенттердің Колледж Жарғысында қарастырылған міндеттерді орындамағаны және ішкі тәртіп ережесін бұзғаны үшін келесі шаралар қолданылуы мүмкін:

- тәрбиелік сипаттағы шаралар;
- тәртіптік жазалар.

8.2. Тәрбиелік сипаттағы шараларға студенттердің жеке қасиеттерін, оқуға және тәртіп сақтауға құрметпен қарауға тәрбиелеу, ішкі тәртіп ережелерінің бұзылуына жол бермеу, студенттің

жасаған іс-әрекеттерінің дұрыс еместігін түсіндіруге бағытталған Колледж әкімшілігі мен оның педагогикалық қызметкерлерінің әрекеті жатады.

8.3.Колледж Жарғысын, ішкі тәртіп ережесін, жатақханада тұру тәртібін бұзған немесе орындамаған студенттерге тәртіптік жаза шаралары қолданылуы мүмкін

-ескерту

-сөгіс

-катаң сөгіс

-оқудан шығару

8.4. Тәртіптік жаза қолдану кезінде студенттің жасаған іс-әрекетінің ауырлығы, мән-жайлары және оқуы мен мінез-құлқы ескеріледі;

8.5.Студенттер ауырып жатқан уақытында(құжаттармен расталған) оқудан шығарылмайды;

8.6.Колледжде оқитындардың, соның ішінде құқыққа қарсы іс-әрекет жасаған жағдайда тұлғалардың оқудан шығаруға негіз Колледж Жарғысы мен Қазақстан Республикасының «Білім туралы» заңына сәйкес айқындалады.

Студент Колледжден шығарылуы мүмкін:

-өз еркімен, оның ішінде науқастығына немесе басқа оқу орнына ауысуына байланысты;

-академиялық үлгермеуіне(аралық аттестация қорытындысы бойынша үш немесе оданда көп қанағаттанарлықсыз баға, белгіленген мерзімде академиялық берешігін жоймаған жағдайда);

-келісімшарт шарттарын бұзған жағдайда, егер оқыту шығындарын толық өтеу негізінде жүргізілсе;

- оқу ақысын уақытында төлемесе;

- сот үкімімен белгіленген заңды күшіне енген қылмыс жасағаны, сондай-ақ Колледж студенті атағына нұқсан келтіретін өзге де құқыққа қарсы іс-қимыл жасағаны үшін;

- медициналық қажеттіліктен туындамаған есірткілік заттарды қолданғаны үшін;

- Колледж ғимаратында спирттік сусындарды ішкені үшін;

- бір семестрде оқу сабақтарын себепсіз 40 сағат көлемінде қалдырса;

- колледждің ішкі тәртіп Ережелерін бірнеше рет (3 реттен артық) өрескел бұзған жағдайда;

8.8. Әкімшілік студентке алдын ала бұзушылықтың себебін, мән-жайын тәртіп бұзушының жеке басының әрі қарайғы салдарын ашып алмайынша жаза қолдануға құқылы емес. Бір бұзушылық үшін бір ғана жаза қолданылуы мүмкін;

8.9.Студенттің теріс қылықтары үшін және оқу уақытынан тыс жасаған қылмысқа Колледж жауап бермейді

9. Оқу топтарындағы ішкі ұйымдастыру

9.1.Әр оқу тобында студенттер өз құрамынан топ жетекшісіне тікелей бағынатын топ басшысын сайлайды.

9.2.Практикалық оқытудың тиімділігін арттыру үшін оқу топтарының студенттері екі топшаға бөлінеді, олардың әрқайсысы өз топтары үшін топ басшысын сайлайды.Топ басшысын топ жетекшісі бекітеді.

9.3. Өкілеттік мерзімі аяқталғанға дейін топ басшысы дерекілік танытқаны үшін немесе бөлімше меңгерушісімен байланысының белсенділігінің төмендігі ауыстырылуы мүмкін. Бұл жағдайда мерзімінен бұрын жаңа топ басшысын сайлау жүргізіледі.

9.4.Оқу топтарының топ басшылары топ басшылар кеңесін құрайды (старостат).